

Alketab ka angguy nak - kanak
ka angguy

Daud Sang Rato (Bagian 2)



Etos bi': Edward Hughes

E elustrasi agi bi': Lazarus
Alastair Paterson

E potdhut bi': Ruth Klassen

E terjemah agi bi': Anik Kongariawati


E gabay bi': Bible for Children
www.M1914.org

©2023 Bible for Children, Inc.

Ba'na bisa pa - banyak otaba anyitah careta', se abit tah juelah.




Daud daddi ratona Yehuda e
Palestina Laok. Tape oreng
Israel laenna ngala'
Isyboset, ana'na
Saul, epadaddi
rato. Perrang ta'
endhe' ambu
saabidda
peto' taon.
Tape Daud
sajan kowat
ban atamba
kowat.




Marena rato Isyboset epateyana
bi' ka dhuwe' tantarana.




Laju sakabbina panggowana suku padha nyabis
ka Daud ban alantik aba'na daddi rato e Israel.



Ka settong se elakoanna bi' Rato Daud jareya arebbu' Yerusalim. Laju kottha jareya pas enyamae kottha Daud. Salerana maddek pole kaangguy bintang alaban so-mossana. Dhari Yerusalim, tantarana Daud kalowar gabay epakala reng-oreng Filistin ban so-moso Israel laenna.





Saellana, Rato Daud agibe
Petthe Parjanjiyan Allah
ka Yerusalim. Petthe
Allah jareya esena dhari
papakon se sapolo ban
tor-atoran laen se
eparengge Allah ka
Mosa. Petthe jareya
paenga' oreng Israel
ja' Allah jareya socce
ban sakabbina
kodhu norotde
parentahna Allah.




Daud kodhu banya' aperrang e on-taon dhe'- adhe' na pamarenta'anna. Salerana jareya settong tantara se sabbar, oreng se becce' atena se terro ngadu'a agabay nyo'onna sopaja epempen Allah.



Badha settong se ta' nyaman e atena
Daud, aba'na andhi' bungko
se ce' bagussa gabay
tenggal sabentara
petthe paenga' Allah
badha e dhalem
tendha. Daud
motossagi
abangun
settong
bungko Allah.
Natan settong
dhari nabbi
Allah, acaca
ka aba'na
agabay molae.





E malem
jareya, Allah
ngerem
settong otosan
ka Daud: "Daud
Tang abdi, bi'

Sengko' ba'na eberri'ana

katoronanna. Bille omorra ba'na la cokop ban ba'na
la mate ban ekoburragi e koburranna banga-towa,
laju Sengko' maddegga katoronanna ba'na dhibi',
sarta Sengko' eoakokowa karaja'anna."



Daud terro abantu kalowarga Saul se gi' odhi'. Salerana nemoagi' ana'na Yonatan, Mefiboset, se dippang. "Be'na adha'ar sameja bi' sengko'." Ca'na Daud.

Daud alako becce' ka Mefiboset sabab Yonatan jareya kancana.







Sa'abitda Daud partaje
ban ta'at ka Allah, Allah
nolongnga Daud sopaja
aba'na ahasel. Tape
settong are, badha
kadaddiyan se ce' jube'na
e kaodhi'an Daud.



Daud ngerem tantarana
mangkat aperrang,
sabentara dhibi'na
alenggi e Yerusalim. E
bekto malem, aba'na ta'
asaren. Daddi aba'na lan-
jalanan e ata' se rata ban
ngoladi dhari jadhiya.



Daud ngoladi oreng babine'
mandhi. Nyamana Batsyeba.
Daud alako dusa ban Batsyeba,
se andhi' lalake', Uriya, jareya
sala settong tantarana Daud se
bangal. Laju Batsyeba adhabu
ka Daud ja' dhibi'na ngandhung,
Daud tao ja' dusana bisa
nyepta'agi kadaddiyan se ta'
nyaman.





Daud ta' endhe'
ngakoi dusana ka Allah,
Daud notopbi dusana.
Kadaddiyan jareya ta'
elakoanna sabelunna!

Aba'na nyoro Uriya abali dhari paperrangan,
ngarepba Uriya mole ka bungkona ban apekker ja'
baji se badha e kandhungan bine'na jareya ana'na.
Tape Uriya ta' mole ka bungkona sa'abitda toanna
ban tantaran se laen badha e paperrangan. Uriya
tedhung e labang sakethengnga karaton rato.



Daddi Daud pas
alako ce' jahadde.
Aba'na ngerem
Uriya abali ka ka
paperrangan kalaban
gibe sorat. Dhalem
sorat jareya e toles
ja' Uriya kodhu
mate e paperrangan.
Bekto Uriya la
mate, Daud ngala'
Batsyeba daddi
bine'na.



Allah ngotos abdidalem Na,
Natan, agabay epatao dusana
Daud. Natan acareta ka Daud
settong careta se nyaretaagi
oreng sogi ban oreng mesken.

Oreng sogi gadhuwan
ratosan ebin dumba.
Tape oreng mesken
namong gadhu
settong dumba
kene', epapadha
akantha ana'
bine'na dibi'.



Pas bekto badha oreng tamoy dhateng ka bungkona
oreng sogi jareya, oreng sogi ta' poron nyabelli sala
settong dhari ebinna se ebadhiya ka'-angka', ka
tamoyya. Pas ngala' ban nyambelli dumbana oreng
mesken jareya.



Daud ce' dukana ka oreng sozi
jareya. Aba'naadhabu, "Oreng se
alako jareya kodhu eokom mate."




"Oreng gapaneka junandalem dibi"! ce' bangala
Natan mator ka Daud. Ponapa se alakonanna Daud
ce' jahadde dhari padhana se elakoanna oreng sozi
e careta jareya .



Allah mersa'agi ka Daud ce' jahatde ponapa seepon epalakoanna. Ban Daud arassa ce' dusana. Salerana mator ka Allah: "Kaula ampon dusa ka Allah." Ban Allah ampon esapora dusaepon Daud. Tape pottrana Batsyeba se buru lahir sake' laju seda.





Allah berri'anna sapora ka
Daud dhari dusana se jahat.
Laju Batsyeba babar ana'
laenna, Sulaiman, ana'
jareya dhegi' bakal daddi
rato se raja sa'marena
Daud. Tape Daud andhi'
ana' sebanya' laenna, pan-
barampan eantarana
agibe Daud ka
kasossaan se raja.



Daud Sang Rato (Bagian 2)

Alkitab jareya nyareta agi firmanna
Guste Allah

se e bedhe' e

2 Samuwel 1-12

"Masuk ka firmanna Guste Allah e beri tera."
Bangsalam 119:130



Tade'



Careta Alkitab notorrangi Guste Allah paneka se becce se nyepa' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa. aokoman dusa jareya e patte'e, tape kataresna'anna Guste Allah ka manossa setalebat raja ban apereng Pottrana se coma settong, Yesus, se mate ekaju salib ban aokom kaangguy dusana ba'na. Laju. Yesus a bungo ban abali ka sowarga! Bile ba'na partaje ka Yesus ban apenta saleranan ngamponi dusana ba'na salerana angalako agi. Salerana rabu ban odhi ban ba'na sateya, ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste Allah, abdi partaje ka Guste Allah, se daddi manossa laju seda sabab dusana abdi, ban Salerana odhi pole. Mara datheng ka odhi na abdi ban angapora dusana abdi, sopaje abdi odhi anyar, ban e are gu'laggu abdi oleh odhi ban Salerana. Abanto abdi noro'lampadda padana Salerana ban odhi na abdi daddi potrana Gustte Allah.

Ngabaca Alkitab ban ngadoa ka Guste Allah ban are. Yahya 3:16

